



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron-10 fulan juñu tinan 2020

Konsellu Ministru reuni iha Palásiu Governu, iha Díli no aprova alterasaun daruak ba Orgánika VIII Governu Konstitusionál nian, ne'ebé apresenta hosi Primeiru-Ministru, Taur Matan Ruak, liuhosi alterasaun lejislativa ne'ebé aprova ona, Governu integra Servisu Nasionál Ambulánsia no Emerjénsia Médika iha ámbitu Ministériu Saúde nian, klarifika atribuisaun hirak ne'ebé fó ba Prezidénsia Konsellu Ministrus iha matéria reforma no modernizasaun administrativa no defini di'ak liután atribuisaun ba Ministru koodenadór ba Asuntu Ekonómiku enkuantu membru Governu ne'ebé apoia Primeiru-Ministru hodi halo koodenasaun ba governu iha matéria ekonómika. Kona-ba kompozisaun ezekeutivu nian, diploma ida-ne'e kaer-hamutuk kargu ba vise-Ministra ba Kuidadu Saúde primáriu no Vise-Ministru ba Dezenvolvimentu Estratéjiku ba Saúde no, nune'e, sei temi ho naran Vise-Ministru Saúde. Sei kria mós kargu ba Vise-Ministru Agrikultura no Peska.

Konsellu Ministru aprova mós projetu rezolusaun Governu, ne'ebé apresenta mós hosi Primeiru-Ministru kona-ba oinsá kria Komisaun atu elabora Planu Rekuperasaun Ekonómika no nomeia Rui Gomes hodi lidera komisaun ne'e. Komisaun ne'e tenke, iha prazu másimu loron neen-nulu nia laran, rekomenda ba Konsellu Ministru medida hirak ne'ebé atu aprova no asaun hirak ne'ebé atu ezekeuta hodi rekupera ekonomia nasional, ne'ebé sistematizadu no organizadu iha planu rekuperasaun ekonómika. Komisaun ida-ne'e sei ramata ho apresentasaun planu ba Konsellu Ministru.

Konsellu Ministru aprova projetu Rezolusaun rua Governu nian, ne'ebé apresenta hosi Primeiru-Ministru kona-ba ezonerasaun ba José Luís Guterres no nomeia Arsénio Paixão



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Bano ba kargu Prezidente Autoridade ba Rejiaun Administrativa Espesiál Oe-Cusse Ambeno (RAEOA).

Konsellu Ministru aprova tiha mós Projetu Rezolusaun tolu, ne'ebé apresenta hosi Ministru Transporte no Komunikasaun, José Agostinho da Silva, kona-ba adezaun Timor-Leste nian ba Konvensaun tolu ne'ebé nuudar pilár tolu importante liu, hosi instrumentu internasionál sira atu regula kestaun sira kona-ba seguransa maritima no prevensaun ba poluisaun ne'ebé hamosu hosi ró-ahi sira.

Konvensaun Internasionál kona-ba Norma ba Formasaun, Sertifikasaun no *Serviços de Quartos para Marítimo* (STCW, *International Convention on Standards of Training, Certification and Watchkeeping for Seafarers*). Konvensaun ida-ne'e nuudar instrumentu internasionál fundamental ne'ebé estabelese dispozisaun lubuk boot ida atu regula rekezitu formasaun no sertifikasaun esensial sira hodi eziji ba maritimu bainhira ezerse funsaun iha ró-ahi sira iha tasi-laran. STCW adopta tiha ona iha tinan 1978 hosi konferénsia iha Organizasaun Marítima Internasionál no hahú tama iha vigor iha tinan 1984.

Konvensaun Internasionál kona-ba *Salv guarda para Vida Humana no Mar* (SOLAS, *International Convention for the Safety of Life at Sea*). Konvensaun SOLAS nuudar konvensaun hosi Organizasaun Marítima Internasionál, ne'ebé aprova ona iha tinan 1914, ho objetivu asegura padraun mínimu atu halo konstrusaun, ekipamentu no operasaun ba ró-ahi sira.

Konvensaun Internasionál hodi halo Prevensaun ba Poluisaun ba Tasi hosi Ró-ahi sira (MARPOL, *International Convention for Prevention of Marine Pollution For Ships*). Konvensaun ida-ne'e asina tiha ona iha tinan 1973, ho objetivu minimiza halo poluisaun ba tasi sira.



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUNU KONSTITUSIONÁL



Gabinete
Porta-Voz

Konsellu Ministru konsede podér tomak ba Ministru Transporte no Komunikasaun hodi asina Memorandu Entendimentu ida ho Governu Repúblika Indonézia kona-ba Movimentu Transfronteirisu ba autokarru. Akordu ida-ne'e buka atu fasilita transporte transfronteirisu ba ema no sasán hodi promove, dezenvolve no reforsa komérsiu, investimentu, turizmu no interkámbiu kulturál entre nasaun rua hodi, estabelese sistema transporte ida ne'ebé integrado no eficiente no di'ak tebes atu insentiva kresimentu no dezenvolvimentu ekonómiku nasional, haktuir liña ho objetivu ekonómiku ba adezaun ASEAN no haluan rede transporte terrestre nomós servisu seluktan ne'ebé di'ak tebes hodi estimula sirkulasaun ema no sasán sira entre Timor-Leste no Indonézia.

Ministru Negósiu Estranjeiru no Kooperasaun, Dionísio Babo Soares, simu mós podér tomak atu halo asinatura *Troca de Notas* ho Repúblika Populár China hodi halo konstrusaun ba ospital amizade sinu-timorense (ospital militar) no ba Eskola Lere Anan Timur no hodi halo asinatura ba *Troca de Notas* ho Governu Japão ba apoiu finanseiru atu sosa ekipamentu médiku no kapasitasaun institusionál. **REMATA**



Palácio do Governo,
Avenida Presidente Nicolau Lobato,
Dili, Timor-Leste